

編號 8 號

【坎下該頭杌仔樹】徐秀英原作

戴在鄉下，屋脊種有幾頭樣仔¹樹、牛眼樹、杌仔樹，係當平常个，一到打子个季節，管佢有熟也無熟，總愛食得得个東西，細人仔絕對無放佢煞。若係吵著睡當晝个叔公、叔婆，分佢大聲追走，該下晝就無戲好唱咧。

佢屋下就在伙房个最尾析，崎仔溜啊下就係礮坎，坎下个圳溝係細人仔熱天个天堂，洗身仔、庠魚仔、捉蝦公、釣蛤蟆咧仔，想得到个空頭，麼个就減得著來搞！該頭杌仔樹就對坎下个石壁生出來。

阿婆當好食這頭个黃杌仔，見看著杌仔會食得該駁仔，佢就會怙等拐棍仔行兼來膠佢這兜細啞仔講，青杌仔食了會局硬屎，愛等佢黃正好食。細人仔嘴叮應講好，一群豺狗哪管得核²佢兜該張嘴，幾雙賤手摘著个，全部就拿來塞嘴空咧。該兜生到忒樹尾摘毋著个，阿爸就會擎竹篙又去剪下來，較硬个佢會自家食忒，較熟个佢會放到米缸裡背，翕加兩日仔正拿去阿婆間肚。無牙齒

¹ 樣仔：音 son` er；芒果。

² 管得核：音 gon` ded hed`；管得住。

个阿婆，糜³啊糜仔，面町滿足个笑容，到這下佢都還記得。

該頭杌仔樹頂，長下會有青啞仔⁴飛來作實。青啞仔毋驚人，佢兜在樹下搞份家啦，佢在樹頂啞啞滾飛來飛去。細人仔雖然番綻，毋過從來毋識去撞過佢个實。較盤擎个會蹶上石壁去算看仔，烏實裡肚有幾多隻卵。一駁仔後，樹頂又加加幾下隻得人惜个細鳥子咧，就恁樣生生不息。

樹頂也有膨尾鼠跳上跳下，還有共樣毋驚人个山狗太、狗嫲蛇趁來趁去。膨尾鼠尾絨絨，當得人惜，屋下食伸个果子抑係果仁、果皮放在樹下，佢兜會輪等跳過來食，咕嚕咕嚕个目珠仁辽辽轉⁵，就像驚人來搶食樣，實在還生趣。山狗太、狗嫲蛇就無恁得人惜咧，因為佢个皮膚有保護色，在佢膠樹梗抑係燥葉仔喂兼个時節，一無注意就會分佢嚇著，所以佢盡惱山狗太。

恁多年過去咧，坎下該頭杌仔樹早就無在咧，毋過，該童年个回憶，哪久就恁香甜个囡在佢心肝肚。

³ 糜：音 moi`；指因沒有牙齒而用牙齦磨食物。

⁴ 青啞仔：音 ciang` ziu er；綠繡眼。

⁵ 辽辽轉：音 din` din` zhon`；轉來轉去。